

ԱՐՁԱՆԱԳՐՈՒԹՅՈՒՆ N 3

ԿԻՐԱՌԱԿԱՆ ԱՐՎԵՍՏԻ ՖԱԿՈՒԼՏԵՏ ԳԻՏԱԿԱՆ ԽՈՐՀՐԴԻ ՆԻՍՏԻ

21. 10. 2021

Ք. Իջևան

Նախագահ՝ Վ.Ա. Աղաբաբյան

Քարտուղար՝ Ք.Հ. Մխիթարյան

Կիրառական արվեստի ֆակուլտետի խորհրդի նիստին մասնակցում էին գիտական խորհրդի բոլոր անդամները:

ՕՐԱԿԱՐԳ

1. 2020-2021 ուստարվա երկրորդ կիսամյակի քննաշրջանի ամփոփում:
(Ձեկուցող՝ Վ. Աղաբաբյան)
2. 2021-22 ուստարվա առաջին կիսամյակի առաջին ընթացիկ ստուգումների և քննությունների նախապատրաստական աշխատանքների մասին: (Ձեկուցող՝ Վ. Աղաբաբյան)
3. Ավարտական աշխատանքների և հետազոտական բաղադրիչների թեմաների հաստատում: (Ձեկուցող՝ Վ. Աղաբաբյան)
4. Մասնաճյուղից բավարարվածության ուսանողական հարցման արդյունքների մասին: (Ձեկուցող՝ Վ. Աղաբաբյան)
5. Ընթացիկ հարցեր

Ֆակուլտետի խորհրդի նիստը բացեց և օրակարգը ներկայացրեց դեկանի պաշտոնակատար Վ. Աղաբաբյանը: Օրակարգը հաստատելուց հետո նիստի մասնակիցները անցան օրակարգի հարցերի քննարկմանը:

ԼՄԵՑԻՆ.

Օրակարգի առաջին հարցի վերաբերյալ Վ.Աղաբաբյանը ներկայացրեց 2020-2021 ուստարվա երկրորդ կիսամյակի քննաշրջանի արդյունքների ամփոփումը: Նա նշեց, որ լուծարքային շրջանը կազմակերպվել է ժամանակացույցին համապատասխան, խախտումներ և բացթողումներ չեն արձանագրվել:

Զեկուցողը նշեց, որ քննաշրջանին մասնակցել է 66 ուսանող: Անբավարար գնահատականներ են ստացել 8 ուսանողներ, որոնցից 1 անբավարար ստացել է 5 ուսանող, 3 և ավելի անբավարար՝ 3 ուսանող: Լուծարքային շրջանին մասնակցած ուսանողների գերակշիռ մասը դրական գնահատական են ապահովել 1-ին լուծարքային շրջանի ժամանակ: Զեկուցողը ըստ կուրսերի ներկայացրեց լուծարքային շրջանի ընդհանուր պատկերը.

«Դիզայն» կրթական ծրագրով լուծարքային շրջանին մասնակցել են 6 ուսանողներ, որոնք լուծարքային շրջանում ստացել են դրական գնահատականներ:

«Դեկորատիվ-կիրառական արվեստ» կրթական ծրագրով լուծարքային շրջանին մասնակցել են 2 ուսանողներ, որոնք դրական միավոր են ստացել լուծարքային շրջանում:

Զեկուցողը նշեց, որ 100% առաջադիմություն արձանագրվել է «Դիզայն» կրթական ծրագրի III, IV և «Դեկորատիվ-կիրառական արվեստ» կրթական ծրագրի II կուրսերում: Ամենացածր առաջադիմություն արձանագրվել է «Դիզայն» կրթական ծրագրի II կուրսում (76,92): Ֆակուլտետի բացարձակ առաջադիմությունը կազմել է 87.88:

ԱՐՏԱՀԱՅՏՎԵՑԻՆ.

Հ. Ասատրյանը, Տ. Բազամյանը, Բ. Մխիթարյանը:

ՈՐՈՇԵՑԻՆ.

2020-2021 ուստարվա երկրորդ կիսամյակի լուծարքային շրջանի ընթացքը համարել բավարար:

ԼՍԵՑԻՆ.

Օրակարգի 2-րդ հարցի վերաբերյալ զեկուցեց ֆակուլտետի դեկանի պաշտոնակատար Վ. Աղաբաբյանը: Զեկուցողը նշեց, որ 2021-22 ուստարվա առաջին կիսամյակի առաջին ընթացիկ ստուգումների և քննությունների նախապատրաստական աշխատանքները նախօրոք կազմակերպված է: Զեկուցողը փաստեց, որ առաջին ընթացիկ քննությունների և ստուգումների հարցաշարերը ժամանակին տրամադրվել են ուսանողներին: Այժմ ստուգվում է

Ֆակուլտետում առարկայական ծրագրերի կատարման ընթացքը: Ստուգվում է ծրագրերի կատարողականը և դրան համապատասխան՝ մատենավարության վիճակը: Զեկուցողը նշեց, որ ֆակուլտետում կան Քովիդ-19-ով վարակված ուսանողներ: Վերջիններս, առողջական խնդիրներից ելնելով, չեն կարողանա մասնակցել ընթացիկներին և համապատասխան հավաստող փաստաթղթի ներկայացման դեպքում նրանց համար կկազմակերպվեն լրացուցիչ քննություններ:

ԱՐՏԱՀԱՅՏՎԵՑԻՆ.

Հ. Մխիթարյանը, Ա. Զիբուխյանը, Հ. Ասատրյանը:

ՈՐՈՇԵՑԻՆ.

1. 2021-2022 ուստարվա առաջին կիսամյակի առաջին ընթացիկ քննությունների և ստուգումների նախապատրաստական աշխատանքների ընթացքը համարել բավարար:

2. Ուսումնամեթոդական վարչություն ներկայացնել առողջական խնդիր ունեցող ուսանողների ցուցակները՝ կիսամյակի ընթացքում լրացուցիչ քննություններ կազմակերպելու նպատակով:

ԼՄԵՑԻՆ.

Օրակարգի 3-րդ հարցի վերաբերյալ զեկուցող ֆակուլտետի դեկանի պաշտոնակատար Վ. Ադաբաբյանը ներկայացրեց ֆակուլտետում ուսուցանվող կրթական ծրագրի կողմից տրված ավարտական աշխատանքների և հետազոտական բաղադրիչների թեմաները: Նա նշեց, որ ֆակուլտետի «Դիզայն» կրթական ծրագրի ավարտական կուրսում կա 8 ուսանող: Գիտական ղեկավարների կողմից առաջադրված թեմաները նախապես քննարկվել են ամբիոններում, համապատասխանում են գիտականության չափորոշիչներին, արդիական են:

ԱՐՏԱՀԱՅՏՎԵՑԻՆ.

Ավարտական աշխատանքների և հետազոտական բաղադրիչների ղեկավարները նշեցին, որ ամբիոններում քննարկվել են թեմաների վերնագրերը, հստակեցվել ներկայացվող պահանջները:

ՈՐՈՇԵՑԻՆ.

Հաստատել 2021-2022 ուստարվա ավարտական աշխատանքների և հետազոտական բաղադրիչների թեմաները:

ԼՄԵՑԻՆ.

Օրակարգի 4-րդ հարցի վերաբերյալ զեկուցեց ֆակուլտետի դեկանի պաշտոնակատար Վ. Աղաբաբյանը: Զեկուցողը նշեց, որ 2021 թվականի հունիսին մասնագիտական կրթության որակի ապահովման բաժնի կողմից իրականացվել է «ԵՊՀ Իջևանի մասնաճյուղից բավարարվածության» ամենամյա ուսանողական առցանց հարցումը: Հարցմանը ներգրավված են եղել բոլոր մասնագիտությունների 1-ից 3-րդ կուրսերի ուսանողները: Հարցումն առցանց է եղել, հարցմանը մասնակցելու հղումն ստացել են մասնաճյուղի առկա ուսուցման 1-ից 3-րդ կուրսի 394 ուսանողներ, սակայն հարցմանը մասնակցել են 206-ը, այսինքն ընդամենը **52%-ը**, որը միզուցե առցանց հարցումների դեպքում մասնակցության վատ ցուցանիշ չէ, սակայն ցանկալի կլիներ, որ մեր ուսանողներն առավել ակտիվություն ցուցաբերեին և նպաստեին իրենց խնդիրների բացահայտմանը և լուծմանը:

«Դիզայն» կրթական ծրագրի 30 ուսանողներից հարցմանը մասնակցել է 15-ը, իսկ «Դեկորատիվ-կիրառական արվեստ» կրթական ծրագրի 17 ուսանողներից՝ 8-ը:

Զեկուցողը նշեց, որ հարցման նպատակն էր պարզել, թե մասնաճյուղի ուսանողները որքանո՞վ են իրազեկված և ներգրավված ուսումնականակազմակերպչական գործընթացներում, որքանո՞վ են բավարարված առկա ռեսուրսներից և ծառայություններից, որքանո՞վ է մասնաճյուղը հասանելի տեղեկատվական հարթակներում և կիրառելի ուսանողների կողմից:

Այն հարցին՝ «Պատկերացնում են, թե ի՞նչ մասնագետ են դառնալու ավարտելուց հետո», հարցմանը մասնակցած «Դիզայն» կրթական ծրագրի ուսանողների 47%-ը, իսկ «Դեկորատիվ-կիրառական արվեստ» կրթական ծրագրի ուսանողների 50%-ը «պատասխանել է՝ այո, որը կարելի է համարել բավարար ցուցանիշ: «Դիզայն» կրթական ծրագրի ուսանողների 6%-ը և «Դեկորատիվ-կիրառական արվեստ» կրթական ծրագրի ուսանողների 25%-ը պատասխանել է՝ ոչ:

Խնդրահարույց է այն իրավիճակը, որ հարցմանը մասնակցած «Դիզայն» կրթական ծրագրի ուսանողների 47%-ը և «Դեկորատիվ-կիրառական արվեստ»

կրթական ծրագրի ուսանողների 25%-ը մասամբ է պատկերացնում իր ապագա մասնագիտությունը: Ուսանողի մոտիվացվածությունը կլինի բարձր, իսկ ուսումնառության նկատմամբ նրա վերաբերմունքը նպատակային և արդյունավետ, եթե նա իր մասնագիտությունն ընտրել է գիտակցաբար, հասկանալով, թե ի՞նչ մասնագիտություն է ցանկանում ձեռք բերել, ի՞նչ մասնագետ է ուզում դառնալ: Այսինքն, կամ դա խոսում է մեր ուսանողների անտարբերության մասին, կամ խնդիր ունենք կրթական ծրագրերի իրականացման, կրթական վերջնարդյունքների սահմանման և դրանց հասնելուն միտված ուսուցման գործընթացի հետ:

Զեկուցողը ներկայացրեց նաև, որ ուսումնական խորհրդատուներից և կրթական ծրագրերի ղեկավարներից «Դիզայն» և «Դեկորատիվ-կիրառական արվեստ» կրթական ծրագրերի ուսանողների բավարարվածության տոկոսը 50%-ից ցածր է: Հարցմանը մասնակցած ուսանողների գրեթե մեկ երկրորդը գտնում է, որ իրենց մասամբ են ծանոթացրել կրթական ծրագրին («Դիզայն»՝ 47%, «Դեկորատիվ-կիրառական արվեստ»՝ 38%): Ենթադրում ենք, որ այս թվերն ավելի շուտ խոսում են ուսանողների անտարբերության մասին և հակված ենք մտածելու, որ ուսումնական խորհրդատուները և կրթական ծրագրերի ղեկավարներն այնուամենայնիվ աշխատել են ուսանողների հետ:

Ուսանողների կողմից նշվել են, որ ըստ իրենց, թեմատիկ կրկնություններ կան «Գունանկար» և «Գծանկար» առարկաների մոդուլներում:

«Ի՞նչ առարկաներ կհանեիք, կամ նոր ի՞նչ առարկաներ կավելացնեիք ձեր կրթական ծրագրի ուսումնական պլանում» բաց հարցի պատասխաններում մեր ուսանողները նշել են «Ապակենկարչության», «Zbrush» նոր դասընթացներ ավելացնելու մասին:

Ուսանողական կառույցներին վերաբերող հարցերին պատասխանած ուսանողներից «Դիզայն» կրթական ծրագրի 2 և «Դեկորատիվ-կիրառական արվեստ» կրթական ծրագրի 1 ուսանող տեղեկացված չէ ուսանողական խորհրդի (ՈւԽ), իսկ 1-ական ուսանող տեղեկացված չէ ուսանողական գիտական ընկերության (ՈւԳԸ) գործունեությունից: Տեղեկացված և ուսանողական կառույցներում ներգրավված կամ համագործակցող ուսանողներն, ընդհանուր առմամբ, բավարարված են նրանց գործունեությունից: Ուսանողական խորհրդի գործունեությունից բավարարված են հարցմանը մասնակցած ուսանողներից «Դիզայն» կրթական ծրագրի 4-ը և

«Դեկորատիվ-կիրառական արվեստ» կրթական ծրագրի 3 ուսանող, իսկ ուսանողական գիտական ընկերության գործունեությունից համապատասխանաբար՝ 7 և 2 ուսանող:

Հարցման շրջանակներում հետազոտել են նաև մասնաճյուղի ռեսուրսներից և ծառայություններից՝ գրադարանից, ընթերցասրահից, մասնաճյուղի պաշտոնական կայքից և ֆեյսբուքյան էջից, էլեկտրոնային գրադարանից, բուժկետի ծառայությունից ուսանողների բավարարվածությունը: Զեկուցողը նշեց, որ ֆակուլտետի ուսանողների բավարարվածության աստիճանը մասնագիտական գրականության քանակից և որակից այնքան էլ բարձր չէ: Մասնագիտական անհրաժեշտ գրականության քանակի և որակի բացը լրացվում է էլեկտրոնային գրադարանի միջոցով: Գրադարանում առկա գրքերի քանակից լիարժեք բավարարված են «Դիզայն» կրթական ծրագրի ուսանողների 15%-ը, իսկ ահա 46%-ը բավարարված են մասամբ: Ավելի անհասկանալի է, որ ունենք նաև 38% չբավարարված ուսանողներ: Գրքերի քանակից լիարժեք բավարարված են «Դեկորատիվ-կիրառական արվեստ» կրթական ծրագրի ուսանողների 13%-ը, իսկ ահա 50%-ը բավարարված են մասամբ: Ավելի անհասկանալի է, որ այստեղ ևս ունենք նույն 38% չբավարարված ուսանողները: Գրականության որակի առումով ևս բավարարվածության ընդգծված ցածր արդյունք ունենք՝ «Դիզայն»՝ 31% և «Դեկորատիվ կիրառական արվեստ»՝ 43%: Չմոռանանք, որ այս արդյունքների վրա իրենց ազդեցությունն ունեն նաև ընթացիկ ուստարում առաջին անգամ իրականացված հետազոտական աշխատանքները, որոնք մեծացրել են նոր, նեղ մասնագիտական գրականության պահանջարկը, բարձրացրել դրանց որակի նկատմամբ չափանիշները:

Հարցմանը մասնակցած ուսանողները հիմնականում բավարարված են բուժկետի ծառայություններից («Դիզայն» կրթական ծրագրի 6 ուսանող բավարարված են, 6-ը՝ բավարարված են մասամբ, իսկ 2-ը՝ բավարարված չեն: «Դեկորատիվ-կիրառական արվեստ» կրթական ծրագրի 4 ուսանող բավարարված են, 4-ը՝ բավարարված են մասամբ): Ուղղակի խնդիր կա ֆակուլտետից նրա հեռու տեղակայման հետ կապված:

Զեկուցողը նշեց, որ ուսումնասիրվել են նաև ուսանողների բավարարվածությունը մասնաճյուղում տեղեկատվության ստացման հնարավորություններից, մատչելիությունից և բովանդակությունից: Մասնաճյուղն իր

գործունեության մասին ամբողջ տեղեկատվությունը հանրությանը, մասնավորապես ուսանողներին տրամադրում է իր պաշտոնական էլ.կայքի և ֆեյսբուքյան էջի, էլեկտրոնային գրադարանի էջի միջոցով:

Պարզվում է, որ թեկուզ քիչ թվով, սակայն կան ուսանողներ, որոնք ընդհանրապես չեն օգտվում մասնաճյուղի պաշտոնական կայքից («Դեկորատիվ-կիրառական արվեստ» կրթական ծրագրի 1 ուսանող), կամ օգտվում են հազվադեպ («Դիզայն» կրթական ծրագրի 8 և «Դեկորատիվ-կիրառական արվեստ» կրթական ծրագրի 3 ուսանող), ինչն իհարկե, վատ է և մեկ անգամ ևս խոսում է նրանց անտարբերության մասին: Կան նաև ուսանողներ («Դիզայն» կրթական ծրագրի 5 և «Դեկորատիվ-կիրառական արվեստ» կրթական ծրագրի 3 ուսանող), որոնք հաճախ է օգտվում կայքից: «Դիզայն» կրթական ծրագրի 2 և «Դեկորատիվ-կիրառական արվեստ» կրթական ծրագրի 1 ուսանողի համար մասնաճյուղի պաշտոնական կայք-էջը տեղեկատվության ստացման մշտական աղբյուր է: Ամբողջովին նույն արդյունքներ են նաև մասնաճյուղի ֆեյսբուքյան էջի հետ կապված:

Անդրադառնալով մասնաճյուղի էլեկտրոնային գրադարանի էջին, նշենք, որ այն բավականին հաջողությամբ լրացրեց մասնաճյուղի գրադարանային ֆոնդը, ավելացրեց նոր գրականություն ունենալու հնարավորությունը, իր դիզայնով և մատչելիությամբ մասնաճյուղի ուսանողների համար դարձավ տեղեկատվական ամենապահանջված հարթակը, սակայն մեր ուսանողների հիմնական մասը չի օգտվում էլեկտրոնային գրադարանից:

Զեկուցողը, ամփոփելով հարցման արդյունքները, փաստեց, որ ուսանողները մեծամասամբ իրազեկված են և նաև բավարարված իրենց ուսումնառությանն աջակցող և նպաստող բոլոր ռեսուրսներից և ծառայություններից: Խնդրահարույց է այն իրավիճակը, որ հարցմանը մասնակցած «Դիզայն» կրթական ծրագրի ուսանողների 47%-ը և «Դեկորատիվ-կիրառական արվեստ» կրթական ծրագրի ուսանողների 25%-ը մասամբ է պատկերացնում իր ապագա մասնագիտությունը: Այսինքն, կա՛մ դա խոսում է մեր ուսանողների անտարբերության մասին, կա՛մ խնդիր ունենք կրթական ծրագրերի իրականացման, կրթական վերջնարդյունքների սահմանման և դրանց հասնելուն միտված ուսուցման գործընթացի հետ: Այս ուղղությամբ կարևոր է ակտիվացնել ուսանողների և կրթական ծրագրերի ղեկավարների համագործակցությունը, վերջիններիս և դասախոսական կազմի

աջակցությամբ ուսանողներին հասկանալի դարձնել կրթական ծրագրում ներառված յուրաքանչյուր դասընթացի դերը:

«Դիզայն» և «Դեկորատիվ-կիրառական արվեստ» կրթական ծրագրերի ուսանողների բավարարվածության տոկոսը ցածր է կրթական ծրագրերի ղեկավարներից: Մենք կարծում ենք, որ սա արդյունք է նաև «Դիզայն» կրթական ծրագրի ղեկավարի բացակայության: Կարիք կա, որ կրթական ծրագրերի ղեկավարներն վերանայել ուսանողների հետ համագործակցության մեթոդները և լինել առավել հետևողական:

Կարիք կա նաև վերանայել կրթական ծրագրերը և հնարավորինս բացառել թեմատիկ կրկնությունները: Բացի այդ՝ պետք է հանձնարարել ամբիոնին կատարել ուսումնասիրություններ և պարզելու, թե որքանով է նպատակահարմար առաջարկված նոր առարկաները ներդնելը:

Ցածր է նաև ուսանողների բավարարվածության աստիճանը ուսանողական կառույցների աշխատանքից: Նրանք պետք է հնարավորինս մեծ թվով ուսանողներ ներգրավեն, հատկապես 1-ին կուրսերից, և իրենց գործունեությամբ աջակցեն ֆակուլտետների ղեկավարությանը՝ ուսանողների խնդիրների լուծման և նրանց մոտիվացիայի բարձրացման գործում:

Ցածր է մեր ուսանողների բավարարվածության աստիճանը մասնագիտական գրականության քանակից և որակից: Ճիշտ է, մասնագիտական անհրաժեշտ գրականության քանակի և որակի բացը լրացվում է էլեկտրոնային գրականության միջոցով, բայց կարիք կա նաև ուշադրություն դարձնել էլեկտրոնային գրականության որակին:

Ֆակուլտետի ուսանողները առաջարկում են փոխել մասնաճյուղի կայք-էջի դիզայնը, իսկ ահա ֆեյսբուքյան էջում առաջարկում են ավելի հաճախ ու բազմակողմանի անդրադառնալ ուսանողական կյանքին և ուսանողների կատարած աշխատանքներին:

Մեր ուսանողների հիմնական մասը չի օգտվում էլեկտրոնային գրադարանից: Այստեղ պետք է պարզել, թե ո՞րն է խնդիրը. արդյո՞ք անհրաժեշտ գրականություն տեղադրված չէ, քիչ է, կամ ուղղակի գրադարանի գրականությունը բավարարում է և էլեկտրոնայինի կարիք չկա և այլն: Այս խնդիրը լրացուցիչ ուսումնասիրության կարիք ունի և խորհուրդ ենք տալիս գրադարանի աշխատակազմին և

համապատասխան կրթական ծրագրերի ղեկավարներին հանդիպել և այդ հարցը քննարկել ուսանողների հետ, պարզել պասիվության պատճառը, առաջարկել դրանց լուծման ճանապարհներ:

ԱՐՏԱՀԱՅՏՎԵՑԻՆ.

Հ. Մխիթարյանը, Հ. Ասատրյանը, Ա. Չիբուխյանը:

ՈՐՈՇԵՑԻՆ.

Մասնաճյուղի բավարարվածության ուսանողական հարցման արդյունքներ ընդունելի գիտություն:

ԽՈՐՀՐԴԻ ՆԱԽԱԳԱՀ՝
ՔԱՐՏՈՒՂԱՐ՝

Վ. Աղաբաբյան
Ք. Մխիթարյան

(Հավելված 1)